

JETAN EJ MONE IV & RIAB KŌN ANIJ

Kōttōpar ko an katak in:

- Kwaļok bwe Jetan ej dike Anij im armej, im e juon ri riab, ri kinaakļok, im ri uror.
- Kwaļok bwe armej ear make pepe in jab pokake Anij.

Meļeļe ko reļap ilo katak in:

- Jen lo bwe Jetan ej ri kōjdat an Anij im ri kōjdat eo ad.
- Jen lo jet iaan wāween an Jetan jermal.
- Jen lo bwe jej aikuj jeļā im tōmak Naan in Anij.

E kanooj in aorōk lesson in, bwe ej kwaļok kōn wāween an aolep jorrān im nana ilo laļ in waļok. Eļāñne jenaaj meļeļe kōn mour in im kōn lomoor, jej aikuj meļeļe katak in.

1. Āliji

Ewi jikin eo im Anij ear likūt Adam im Iv ie? *Ilo jikin kallib in Iden.*

Āin de et jikin kallib eo? *E kanooj emman, im ejjeļok aer aikuj ie.*

Ewi wōjke ko re aorōk me Anij ear likūt ilo jikin kallib in Iden? *Wōjke in mour, im wōjke in jeļā emman im nana.*

Anij ear ba bwe Adam en jab mōñā jān wōjke ta? *Wōjke in jeļā emman im nana.*

Ta eo enaaj waļok eļāñne Adam e jab pokake Anij, im ej mōñā jān wōjke eo? *Enaaj mej otem mej.*


Meļeļein ta? *Enaaj jepel jān Anij, ānbwinnen enaaj mej, im enaaj mej indeeo.*

2. Mour ilo Iden

Ear emman aer mour ilo jikin kallib in Iden.

- Aolep aikuj ko aer raar pād ie; ejjeļok likjab.
- Anij ear jeran Adam im Iv. Ear yokwe er, im raar mōñā.
- Anij ear likūt Adam bwe en irooj ioon aolep men ilo jikin kallib eo.
- Anij ear lilok ñan Adam im Iv elōñ kain leen wōjke im vegetable bwe ren mōñā.
- Raar jab inepata.
- Raar jab akwāal.
- Raar mour im aenōmman.





3. Jetan ej juon ri moņ im ri riab.

Jetan ear jeļā kōn kien eo im Anij ear leļok ñan Adam im Iv. Kōn an Jetan dike Anij, e kōņaan koķkure E, ijoke e ban kōnke Anij e kajoor bōtata. Kōn men in ear pukot bwe en koķkure armej, men in kōmanman eo eļap tata an Anij. Jetan ear jab make kwaļok e ñan Iv. Ear deļoņ ilowaan juon jedpānit. Iv ear jab kile Jetan ilo iien an kōnono ñan e. Eļāñņe ear jeļā bōlen e ban kar kōnono ippān.



Jenesis 3:1 Kiiō jedpānit ear jeļā moņ eļap jān aolepen kidu awiia, ko Jeova Anij Ear kōmanmani.

Kōmmelele kōn naan in “jeļā moņ”

Mokta jān ad wōnmaanļok im lōmņak kōn melele in eoon in, jen katak jidik kōn naan in “jeļā moņ.” Wōn ear kōmanman jedpānit? Anij. Ke Anij ear kōmanman laļ in im aolep men ko ilowaan, ekar wor ke jabdewōt men in kōmanman me elōñ jerowiwī ippān? Ilo iien eo eoon in ej kōnono kake, eņōj ke an jerowiwī kattoon e laļ in? E jañin. Innām etke ej ba bwe jedpānit ear jeļā moņ jān aolep men in kōmanman ko jet?

Naan in me Baibōļ ej ukot e “jeļā moņ” e jab aolep iien im ej melele in. Ewor juon melele eņman im juon melele e nana kōn naan in. Melele eo eņman ej jīmaat, mejādik, tiljek, ak kapeel. Melele eo e nana ej jeļā moņ, ak moņ.

Ejja naan in wōt ej waļok ilo Jabōn Kōnnaan 22:3 *Juon ri mālōtlōt ej lo nana eo, im tilekek...* Kwō lo ke naan in mālōtlōt? Ej ejja naan eo im rej ukote “jeļā moņ” ilo Jenesis 3:1.

Naan in ej waļok 11 katen ilo Kallimur Mokta. Lale moķ naan ko im Ukok eo moķta ej ka-
jerbali ilo an ukot naan in:

- ri etao 1 katen
- jeļā moņ 2
- mālōtlōt 4
- jeļā pepe 1
- jeļāļokjeņ 3

Etke jej kōnono kōn men in? Ej kōnke Anij ear jab kōmanman jabdewōt menninmour bwe en jeļā moņ. Jedpānit in ear mālōtlōt (ak je maroņ ba kapeel, ak jīmaat) jān aolep kidu awiia ko me Anij ear kōmanmani. Jetan ear kajerbal kapeel in ñan moņe Iv. Ear jeļā bwe Iv e ban kar ekkōļjake kidu in, bwe e jīmaat. Ear jeļā bwe Iv enaaj kar eņroņ e bwe e mālōtlōt, e jeļāļokjeņ.

Āindein an Jetan waļok ñan kōj ilo raan kein. Jetan e jeļā bwe ñe ear alikkar an waļok ñan kōj, jenaaj

kar ko jān e. Kōn men in ej waļok jet iien ilo wāween juon enjel, ri kaki, ak juon armej e jouj. Ewor ke aņ tōmak bwe Jetan e maroņ kajutak juon kabuņ me ej bōk āt in Kūrjin im ej jipaņ ro jet im kajerbal Baibōļ ñan katakin armej? Baibōļ ej ba aet.

Roņjake mōk eoon in.



2 Korint 11:14 Im ejjelok bwilōņ, bwe Jetan ej make kōmņan e enjel in meram.

Innām ejab ļap eļañņe ro an ri jerbāl rej bar āinwōt make kōmņan er āinwōt ri jerbale wānōk.

13 eoon ilo ejja jepta in wōt ej kwaļok bwe rū kaļoran Jetan re maroņ anōk rū jelōk an Kūraiļ.



2 Korint 11:13 Bwe ro rej āinwōt er, rū jelōk riab, ri jerbāl etaō, im rej make kōmņan er rū jelōken Kūraiļ.

Je jelā bwe Jetan enaaj make kōjakkōlkōļ e ilo an waļok ñan kōj. Naaj elmān ad jelā bwe e eo, im jab juon eo e mool? Kōn ad jelā katak ko re jimwe. Naaj elmān ad jelā katak ko re jimwe? Kōn ad liņōre Naan ko an Anij aolep raan.

Jetan ej juon ri riab ekkar ñan Jon 8:44.

- Ej kajjioņ in kōmņan bwe jen ļōmņak bwe nana ej emņan.
- E kōņaan bwe jen ļōmņak bwe e bōd Anij.

Ilo raan kein, Jetan ej riab ñan kōj.

- Ej likūt aepādpād ko ilo ļōmņak ko ad kōn Naan in Anij.
- Ej kōmņan bwe armej me re nana im men ko re nana ren āinwōt emņan ilo mejōd.
- E kōņaan bwe jen ļōmņak bwe e aorōk ļoor armej ro jet bwe jen buņbuņ.
- E kōņaan bwe jen ļōmņak bwe je jab aikuļ Anij.
- E kōņaan bwe jen ļōmņak e jab nana kōmņan jidik wōt nana.

4. Jetan ear kapo Iv



Jenesis 3:1 ..Im ej ba ñan kōrā eo, “E mool ke Anij ear ba, ‘Kōmwin jab mōņā jān wōjke otemjej ilo jikin kallib eo?’”

Etke Jetan ear kajjitōk ippān Iv kōn men in?

- Ear jelā kadede uwaak eo.
- Jetan ear jab kautiej naan ko an Anij.
- Ear kōņaan wōt mone Iv.
- Ear kōņaan bwe Iv en jab tōmak men eo Anij ear ba.

Ear kajjioņ kariab Anij. Eņin jerbāl eo eļap an Jetan. Bar lale eoon eo. Āindein ke an Anij ba? Ear ba ke bwe Adam im Iv ren jab mōņā jān wōjke otemjej? Jaab! Ear ba bwe ren jab mōņā jān juon wōt wōjke.



Jenesis 3:2,3 Im lio ear ba ñan jedpānit eo, “Kōm maroņ in mōņā jān leen wōjke ko ilo jikin kallib eo, a jān leen wōjke eo ioļapen jikin kallib eo, Anij ear ba, ‘Kōmwin jab mōņā

im jab uñūr e bwe koṃ naaj mej.’”

Jaar lo bwe Jetan ear ikūr e naan eo an Anij. Jej bar āinwōt lo bwe ear bōd an Iv mejele kōn Naan in Anij. Ear tōprak an Jetan pukwōje Iv. Anij ear jab ba bwe ren jab uñūr e. Ear ba, “Koṃwin jab ṃōñā.” Ełaññe je jab lukkuun jeḷā Naan ko an Anij, enaaj pidodo an Jetan ṃoṇe kōj.



Sam 119:11 Aṃ in Naan iar likūt ṇa ilo būruō, bwe in jab bōd ṇae Eok.

5. Jetan ej kariab Anij



Jenesis 3:4,5 Im jedpānit ear ba ṇan lio, “Koṃ jāmin mej otem mej, a Anij E jeḷā bwe ilo raan eo koṃij ṃōñā jān e, innām mejaṃi ro re naaj peḷḷok, im koṃ naaj āinwōt anij ran kōn aṃi jeḷā eṃṃan im nana.”

Ilo jinoin Jetan ear ikūre Naan in Anij. Kiiō ej ba bwe Anij e riab! Ilo ṃool Jetan ej riab.

Anij ear ba bwe Adam im Iv renaaj mej ełaññe rej ṃōñā leen wōjke eo. Jetan ear ba ta? Bwe re ban mej. Ear ba bwe renaaj kar erom āinwōt Anij.

Riab eo an Jetan men in: “Anij ej dāpij jet men reṃṃan jān eok. E jab yokwe eok. Enaaj eṃṃan aṃ mour, im enaaj ḷapḷok aṃ ṃōṇṃō, ełaññe kwō jab ḷoor Anij im ełaññe kwōj ḷoore kōṇaan ko aṃ make.”

E jab āindein an Jetan kapoki kōj ilo raan kein ke? E kōṇaan bwe jen ḷōṃṃak:

- E nana im jalimo ḷoor Anij.
- Anij e jab kōṇaan bwe en eṃṃan ad mour.
- Je maroñ make pepe kōn ta eṃṃan ṇan kōj.

Etke Jetan ear kariab Anij? Ej kōnke Jetan ej juṃae Anij. Ear jab kōṇaan ḷoore im pokake E. Ear kōṇaan erom joñan wōt Anij. Jetan e kōṇaan bwe aolep ren juṃae Anij. E kōṇaan bwe ren anemkwōjaer jān Anij.

Ilo ṃool je ban ṃōṇṃō ełaññe jej anemkwōjad. Ełaññe jej jepel jān Anij je naaj jorrāan. Anij wōt e maroñ ḷoṃṃoren kōj. Anij wōt e maroñ tōl kōj.

Jetan ej jiroñ kōj bwe je ban ṃōṇṃō ñe jej pokake Anij. Bōtab e riab. Anij ej yokwe kōj. Kab, kōn an Anij kōṃanṃan kōj, E eo im e jeḷā ta eṃṃan ṇan kōj. Ejjeḷok tokjān naan ko an Jetan im tiṃon ro an. Ejjeḷok tokjān naan ko an armej. E aorōk wōt Naan ko an Anij. Rej aorōk ḷok jān jabdewōt naan eṃōj ad roñ.



Jabon Kōṇnaan 2:4-6 Ełaññe kwō naaj pukot e āinwōt jelba, in kappukot e āinwōt ṃweiuuk ko rettino; innām kwō naaj māḷōtlōt kake mijak Jeova, im lo jeḷāḷokjeṇ kōn Anij. Bwe Jeova Ej letok māḷōtlōt; jān ḷoñin ej itok jeḷā im lolokjeṇ.

Kwōj jeḷā ke karōk eo an Anij ṇan ḷoṃṃoren armej? Ełaññe kwō jab, innām wōn e jab ba bwe kwaar jañin erom juon ṃool in Kūrjin? Jān jinoin laḷ in, Jetan ear kate e koḷkure im ikūr e Naan in Anij. Jetan ej ṃōṇṃō ñe armej rej kabuñ ṇan Jijej. Men eo ej dike ej ñe rej kabuñ ekkar ṇan ṃool.

Kajjitōk ko:

1. Emman ke e nana mour an Adam im Iv ke raar pād ilo jikin kallib in Iden?
2. Ewi wōjke ko im Adam im Iv raar maroñ in mōñā jāni?
3. Ewi wōjke ko im e mo aer mōñā jāni?
4. Anij ear dāpij jabdewōt men emman jān Adam im Iv ke?
5. Menninmour rōt Jetan ear kajerbale ke ear kōnono ippān Iv im moṇe?
6. Jetan ear kōṇaan bwe Iv en lōmṇak ta kōn Anij?
7. Jetan ej pukot jeraamman an armej ke?